

Teknikarien mahaia

Ekainaren 17an ospatutako bileraren akta

LEKUA: Azpeitiko udaletxean

ORDUA: 10etatik 12ak arte

BERTARATUTAKOAK:

UDALA

Izaskun Ceciaga	Ingurumena/Tokiko Agenda 21-prozesuaren koordinatzailea
Maixol Odriozola	Kontu-hartzailea
Edurne Zubia	Gizarte Zerbitzuetako burua
Edurne Aranbarri	Berdintasun Teknikaria
Nerea Lopetegi	Kirol Teknikaria
Ina Sagarzazu	Kirol patronatua
Ildefonso Lizarralde	Ingeniari teknikoa
Aintzane Agirre	Udal Euskaltegia
Aloña Larrañaga	Gazteria Teknikaria
Pilar Arrieta	Kultur Teknikaria

ESKUALDEKO ENTITATEAK

Jesus Mujika	Iraurgi Lantzeneko Turismo Teknikaria
Itziar Abriskerta	Ezagutza Gunea
Iñaki Zabaleta	Azpeitia Lantzen S.A.-ko Gerentea
Iñigo Amiano	Bertan Merkataritza Elkarteko Teknikaria

MINUARTIA ENEA/IKERTALDE

Ana López
Ainhoa Mitxelena

GAI ORDENA

1. Ekintza Planaren azalpena
2. Ekintza Planaren inguruko ekarpenak jasotzea
3. Ekintzen karakterizazioa egiteko jarraibideak ematea

LABURPENA

1. Agurra eta Prozesuaren egoeraren azalpena

Laguntza teknikoak, Azpeitiko arlo sozial eta ekonomikoari buruzko Diagnostikoan oinarrituta, Ekintza Plan bat jada osatu dela aipatzen du. Prozesuren hasieran sortutako hiru mahaiekin batera (mahai politikoa, mahai teknikoa eta herritarren mahaia) lantzen ari dela azaltzen da, guztion ekarpenak jasoz.

2. Ekintza Planaren azalpena

Jarraian, Planaren egitura eta eduki nagusiak azaltzen dira. Plana ondoko 5 lerro estrategikoetan egituratzen da:

- o 1. LERRO ESTRATEGIKOA: AZPEITIKO ENPRESA SAREAREN LEHIAKORTASUNA ETA IRAUNKORTASUNA SUSTATU, UDALERRIARENTZAT ESTRATEGIKOAK DIREN ARLO EZBERDINAK BULTZATUZ ETA ENPLEGUA SORTUZ
- o 2. LERRO ESTRATEGIKOA: HERRITARREN ONGIZATEA ZIURTATU ETA BIZI-KALITATEA HOBETU TALDE EZBERDINEI OINARRIZKO ZERBITZUETARAKO SARBIDEA AHALBIDERATUZ
- o 3. LERRO ESTRATEGIKOA: HEZKUNTZA ESKAINTZAREN EGOKITZAPENA ETA EUKARAREN SUSTAPENA
- o 4. LERRO ESTRATEGIKOA: HERRIKO TALDE EZBERDINEI ZUZENDURIKO KULTUR ETA KIROL ESKAINTZA DIBERTSIFIKATU ETA EGOKI BAT DISEINATU ETA ESKAINI
- o 5. LERRO ESTRATEGIKOA: ETXEBIZITZA POLITIKA SOZIAL BAT SUSTATU, AZPEITIAK ORORI ETXEBIZITZA BAT IZATEKO AUKERA ESKAINIZ

Lerro estrategiko bakoitzak programa ezberdinak jasotzen ditu eta, hauen barne, ekintza zehatzak definitzen dira, guztira, 19 programa eta 114 ekintza proposatzen direlarik.

Laguntza teknikoak, Ekintza Plan guztia azaltzen du lerroz lerro. Jarraian, Planaren azalpenaren laburpena egiten da:

1. LERRO ESTRATEGIKOA: AZPEITIKO ENPRESA SAREAREN LEHIAKORTASUNA ETA IRAUNKORTASUNA SUSTATU, UDALERRIARENTZAT ESTRATEGIKOAK DIREN ARLO EZBERDINAK BULTZATUZ ETA ENPLEGUA SORTUZ

- Lehenengo lerro hau Ekintza Planean pisu handiena duena da, izan ere, datozen urteei begira udalerriko garapen ekonomikoa bultzatzeko planteamendua jasotzen du. Eskualde mailan sektore ekonomiko guztiak bultzatu eta hauen lehiakortasuna sustatzen laguntzen duten erakunde ezberdinak daude, ez ordea udal mailan, non ez dagoen sustapen ekonomikoa buruzko sail edo egitura propiorik. Horiek horrela, eta honen beharra sumatuta, lehenengo programa gainontzeko guztien oinarria dela azaltzen da.
- Ondoren, 1.2, 1.3, 1.4 eta 1.5 programek, udalerriko sektore ekonomiko ezberdinak bultzatzeko ekintzak jasotzen dituzte: nekazal eremuan, sektore industrialean, merkataritzan eta turismo arloan, hain zuzen ere.
- Azkeneko hiruek, orokorrean, sektore guztietan enplegua sortu eta lan merkaturatzea erraztu, ekintzailetasuna bultzatu eta iraunkortasun zein berdintasun baloreak enpresa arloan txertatzea dute helburu.

2. LERRO ESTRATEGIKOA: HERRITARREN ONGIZATEA ZIURTATU ETA BIZI-KALITATEA HOBETU TALDE EZBERDINEI OINARRIZKO ZERBITZUETARAKO SARBIDEA AHALBIDERATUZ

- Lerro honetan sei programa planteatzen dira. Honetan ere, lehenengo programak udal barneko egitura eta, batez ere, sail honen irudia hobetzeari buruzko ekintzak jasotzen ditu. Zentzu honetan, diruz laguntzeaz gain, herritarrei beste hainbat zerbitzu ere eskaintzen zaizkiela ezagutarazi nahi zaie herritarrei.
- Ondorengo programak gizarte segmentu ezberdinetara zuzentzen dira: hirugarren adina, haur, nerabe eta gazteak eta immigranteak besteak beste. Immigranteei dagokionez, politika asistentzialetatik politika interbentzionistetarako pausua ematean jartzen da arreta.
- Bestalde, parekidetasunaren aldeko apustu sendoa egitea proposatzen da, udal barnetik hasita. Zentzu honetan, gai hau guztiz zeharkakoa denez, Plan osoan zehar berdintasun ikuspegia txertatu dela aipatzen da.
- Honetaz gain, herritarren artean zibismo baloreak eta elkarbizitza sustatzeko ekintza ezberdinak ere proposatzen dira.

3. LERRO ESTRATEGIKOA: HEZKUNTZA ESKAINTZAREN EGOKITZAPENA ETA EUKARAREN SUSTAPENA

- Lerro honek 2 programa ditu, lehena garapen profesionala eta langabetuen lan merkaturatzea errazteko dagokion heziketa sustatzea bilatzen duena eta, bigarrena, euskararen arloan aurrerapausoak ematea bilatzen duena.
- Hezkuntza eskaintzari dagokionez, hau tokiko enpresen beharretara ahalik eta modu aproposenean egokitzea planteatzen da, lanbide heziketan arreta berezia jartzen delarik. Gai hau parte-hartze saioetan behin eta berriz atera den puntu nagusienetarikoa bat dela gogoratzen da.
- Euskarari dagokionez, Azpeitian euskararen erabilera oso altua dela aipatzen da (Euskadi mailan altuenetarikoa bat). Honek beste tokietan eman ezin diren pausoak emateko aukera eskaintzen du. Zentzu honetan, euskararen erabilera lan munduan sustatzea proposatzen da, hau, euskara gutxien erabiltzen den eremua baita. Honetaz gain, 4. profilerak heltzeko baliabideak hala nahi duen herritar ororen esku jarri eta sustapen lana egitea planteatzen da.

4. LERRO ESTRATEGIKOA: HERRIKO TALDE EZBERDINEI ZUZENDURIKO KULTUR ETA KIROL ESKAINTZA DIBERTSIFIKATU ETA EGOKI BAT DISEINATU ETA ESKAINI

- Lerro honek ere bi programa jasotzen ditu; bata herri mailan kultura sustatzeko helburua du eta, besteak kirol ekipamenduak eta eskaintza egungo eskaerei egokitzea.
- Kultura arloan, programazio bateratua lantzean jartzen du atentzioa (Kultura saila, Sanagustin eta gainerako elkarte eta sailek elkarlanean), bertan Kultur Mahaiaren inplikazioa eta jarraipen zuzena bultzatuz.
- Kirol eremuari dagokionez, alde batetik Plan bat garatzea proposatzen da, gai honetan jarraitu beharreko ildo edo lerro nagusiak eta plangintza zehatz bat finkatzeko asmoz. Bestalde, beste ekintzen artean, kirol eskaintza egungo eskaerari egokitzea planteatzen da.

5. LERRO ESTRATEGIKOA: ETXEBIZITZA POLITIKA SOZIAL BAT SUSTATU, AZPEITIAK ORORI ETXEBIZITZA BAT IZATEKO AUKERA ESKAINIZ

- Azkeneko lerro honetan programa bakar bat dago, etxebizitza sozialak eta alokairua sustatzeko ekintza ezberdinak jasotzen dituenak.
- Arlo honetan, Azpeitian etxebizitzaren alokairurako ohitura gutxi dagoela aipatzen da. Honen inguruko sentsibilizazioa indartzea planteatzen da. Eta honekin zuzenean lotuta, udalerrian hutsik dauden etxebizitzak merkatura ateratzea errazteko neurri ezberdinak sustatzea proposatzen da.

3. Ekintzen karakterizazioa egiteko jarraibideak ematea

Ekintza Planaren nondik norakoak azaldu ondoren, laguntza teknikoak hurrengo pausua zein den azaltzen du. Teknikari bakoitzari bere ardurapean edo, beste moduan esanda, bakoitzari aurrera eramatea dagozkion ekintzen zerrenda bidaliko zaiola azaltzen da. Oraingo honetan, norberak ekintza horien karakterizazioa egin behar izango duela aipatzen da, horretarako laguntza teknikoak eredu batzuk bidaliko dituelarik. Hau egiterakoan ekintzak moldatu, kendu ala gehitu daitezkeela azaltzen da. Jarraian, karakterizazioa egiteko emandako jarraibideak azaltzen dira:

- Deskribapena sintetikoa izango da (2-3 lerro inguru). Hurrengo 2 galderei erantzun beharko die:
 - o Zein da ekintzaren HELBURU nagusia?
 - o Zer da egin beharrekoa? (ahal den kasuetan, jarduera konkrituak zehaztuko dira)
- Egiteko edo ezartzeko epe maximoa:
 - o Laburra (1.g-2. urtea)
 - o Ertaina (3.-4. urtea)
 - o Luzea (5.-8. urtea)
- Posible denean, gomendagarria da ekintza bakoitzaren kostua zehaztea:
 - o 1000 € (500 - 1500)
 - o 3000 € (1500 - 4500)
 - o 6000 € (4500 - 8000)
 - o 15000 € (8000 - 20000)
 - o 30000 € (20000 - 45000)
 - o 60000 € (45000 - 80000)

4. Ekintza Planaren inguruko ekarpenak jasotzea

Hasteko, Gizarte Zerbitzuetako buruak Mahai soziala jada martxan dagoela aipatzen du, beraz ekintza hori kentzea proposatzen du.

Ondoren, politikariek Ekintza Plan berriarekiko izango duten inplikazioa eta zenbateraino ildo horretan lan egitea sustatuko duten zantzak mahai gainean jartzen da.

Bestalde, Alkatetzak ekintza gehiegi bere ardurapean dituela aipatzen da, batez ere arlo ekonomikoan eta turismo arloan. Turismo arloan, zehazki, Iraurgi Lantzenetik zuzenean aurrera eramaten diren ekimen batzuk udalaren ardurapean jarri direla komentatzen da. Laguntza teknikoak, Ekintza Plana azaldu denean aipatu duen bezala, egun udal barnean

udalerriko sustapen ekonomikoaren ardura duen teknikorik eta egitura propiorik ez dagoela azaltzen du, nahiz eta horri gogor heltzeko asmoa dagoen. Hori dela eta, ekintza jakin horiek aurrera nork eramango dituen garbi izan arte, Alkatetzaren esku ipini direla azaltzen da. Hala ere, hurrengo egunean egingo den politikarien bileran, “arazo” hau azalduko dela esaten da.

Ekintzen karakterizazioa uztailaren lehenengo asterako osatuta edukitzea eta Ingurumen Teknikariari bidaliko zaiola adosten da.

Bertaratutakoei eskerrak emanez, bilerari amaiera ematen zaio.